

# Choân-kok Olympic Tâi-gí Pêh-ōe-jī Bûn-sú Kēng-sài

## 2026 全國奧林匹克台語白話字文史競賽簡章

20260427 updated

社團法人台灣羅馬字協會主辦 ê 年度「台灣羅馬字文化節」，固定 tī tàk 冬舉行系列活動。今年是巴克禮牧師來台 151 週年，koh 有頭一份台灣字報紙《台灣府城教會報》發行 141 週年。Ûi-tiòh 紀念巴克禮牧師 tī 台灣文字 kap 印刷史上 ê 重要貢獻，社團法人台灣羅馬字協會舉辦全國奧林匹克台語白話字文史競賽、台語語詞聽寫比賽、手機 á phah 台語比賽。邀請各位做伙來參加、提獎金！

主辦單位：社團法人台灣羅馬字協會、成大台灣語文測驗中心、蔣發太孫玉枝台語文教育基金會、打狗台語文促進協會、台文雞絲麵、成大台語師資班、台越文學館

活動日期：2026 年 6 月 14（禮拜）下晡（具體時間，報名人數確定後會公佈）

活動地點：國立成功大學力行校區台文系館 88154 教室

報名對象：無年歲限制，歡迎大人、囡仔報名參加。

報名時間：Ûi chit-má 起，到 5 月 24 截止。

報名方式：網路免費報名，請 thi<sup>n</sup> Google 表單 <https://forms.gle/6VvuCow4KeDhKmuS7>

活動網站：<https://www.tlh.org.tw>

活動專線：06-2089803，[tlhemail@gmail.com](mailto:tlhemail@gmail.com) 社團法人台灣羅馬字協會秘書處江小姐



### 【比賽辦法】

#### 第 1 階段：初賽（筆試）

1. Lóng 總 20 條單選 ê 選擇題（題目是用台語漢羅書寫），考試時間 15 分鐘。
2. Tiòh 1 條提 5 分，成績 siōng 懸 ê 前 10 位參賽者，進入第 2 階段 ê 決賽。

#### 第 2 階段：決賽

1. 參賽者坐 tī 作答區座位。每 1 人會提 tiòh 1 塊答案枋。
2. 主持人現場問問題，參賽者 ài kā 答案寫 tī 答案枋頂懸。Tī 規定時間 kā 答案枋提懸，由裁判確認答案 kám 有正確。
3. 答案正確者繼續比賽，答案無正確 chiū 淘汰，人 ài 離開作答區。
4. 最後 1 位 hông 淘汰 ê 參賽者，tiòh 頭賞。Chhun--ê 會照淘汰 ê 順序決定名次。Nā 有位參賽者做伙 hông 淘汰，tō 抽 khau-á 決定名次。

### 【比賽獎勵】

- 林茂生賞（頭賞，取 1 名）：賞金 3,000 khơ、賞狀 1 張。
- 鄭兒玉賞（二賞，取 1 名）：賞金 2,000 khơ、賞狀 1 張。
- 廖瑞銘賞（三賞，取 1 名）：賞金 1,000 khơ、賞狀 1 張。

### 【注意事項】

1. 所有比賽題目攏 ùi《台灣文學ê金璇石：1920 年進前台語白話字文學經典文選》（2024 台南，亞細亞國際傳播社出版）kap



《探索台語白話字的故事》（2016 台南，國立台灣文學館&台灣羅馬字協會共同出版）ê 內容出題，建議事先買冊做準備。



2. 比賽過程若有任何問題，由主辦單位當場裁決處理。
3. 報到 ê 時請提身分證件 hō 工作人員確認身分，若無法度證明是本人，就無法度入場比賽。
4. 比賽 ê 時，袂使提手機仔、呼叫器、計時器 kap 其他電子設備入場，若是比賽 ê 時，發現有提頂面所講 ê 物件，或者是發出任何聲音（包含振動聲），就取消比賽資格。
5. 作答進前，請照大會指示，檢查答案紙頂面參賽證號碼敢有正確、完整，若有錯誤，請隨擲手請工作人員處理，免得影響作答權益。
6. 答案若寫無清楚、或者是修改致使無法度判斷答案，á-sī 答案紙 áu--tiòh、kia<sup>n</sup>-lâng 影響評分，請參賽者家己負責。
7. 初賽（筆試）比賽時間到，工作人員收答案紙了後，參賽者請離開比賽會場。等候評分結束，工作人員會請參賽者進入會場聽成績公佈，成績上懸前 10 位 ē-sái 進入決賽。

### 【補充說明】

Nā 比賽方式、規則寫無清楚 ê 所在，照現場主辦單位 ê 裁決。

Nā 對報名、活動內容有無清楚 ê 所在，請 kap 主辦單位「社團法人台灣羅馬字協會台灣羅馬字協會」秘書處江小姐連絡 06-2089803。

電子批：[tlhemail@gmail.com](mailto:tlhemail@gmail.com)，活動網站：<https://www.tlh.org.tw>